

zuschicket/ vnd zu besorgen/ wenn keine Besserung (darzu sich schlecht ansehen läßt) erfolge/ noch ein grössere (darfür vns Gott genädig bewahren wolle) nicht lang aussen bleiben möchten.

Auff daß ich aber wieder zu meinem Vorhaben schreite/ vmb deß vmb sein Vaterland wolverdienten Mannes Paracelli Schriften weiters außzulegen / so nennet er etliche Metallen auß welchen leichtlich/ vnd auch andere/ auß denen schwerlicher \odot vnd D zu machen sey / doch alles mit Vrhab \odot vnd D / das ist so viel zu sagen / mit Zusatz oder Hülffe deß \odot vnd D . Dann wie ich zuvoren schon mehrmahlen auch gesagt / daß es gut vnd nöthig sey/ wenn man auß den vnvollkommenen Metallen \odot vnd D ziehen wolle / daß man auch \odot vnd D vnter die mixtur nehme / auff daß das allbereit fixe \odot vnd D seines gleichen auß den vnvollkommenen Metallen / darinn es weit zerstreuet vnd noch vnfix ist/ desto füglicher herauß ziehen / corporalisch vnd fix machen könne.

Vnd erinnert endlich / daß die Metallen/ wenn sie lang in der Erden ligen / wieder vergehen vnd zu Stein vnd Erden werden/ davon sie ihren Anfang genommen haben. Welches auch vns Menschen vnd allen andern Creaturen also gehet / vnd nichts beständiges

ODER